



PHOTO: Emilio Dos Santos | USAID Health System Sustainability Activity

## **USAID NIA ATIVIDADE BA SUSTENTABILIDADE SISTEMA SAÚDE IHA TIMOR-LESTE PROMOVE KOBERTURA SAÚDE UNIVERSAL LIUHUSI SISTEMA SAÚDE NE'EBÉ SUSTENTÁVEL NO INKLUZIVU**

### **VIZAUN JERÁL**

Timor-Leste hatudu ona progresu signifikante iha ninia komitmentu atu estabelese sistema saúde ne'ebé funsiona ho efetivu, hanesan hatudu liuhusi hasa'e kobertura saúde universál atu asegura katak ema hotu hetan asesu ba servisu saúde ne'ebé sira prezisa sein iha difikuldade ho finanseiru. Iha tinan hirak foin lalais ne'e, Ministériu Saúde (MS) fó ona prioridade ba iha fortesimentu sistema saúde ho kolaborasaun hamutuk ho parseiru dezenvolvimentu. Maibé, sei kontinua hasoru dezafiu oioin iha nivel sistema nian - hanesan mudansa ba moras sira ne'ebé akontese ho lalais, nesesidade ba mobilizasaun rekursu adisionál, no frequensia mudansa ba lideransa sira ne'ebé limita sira hodi halo servisu saúde ho qualidade di'ak, asesivel no afordavel.

### **SUMÁRIU**

USAID nia Atividade ba Sustentabilidade Sistema Saúde iha Timor-Leste ninia objetivu mak atu fortalese governasaun setór saúde nian, dezenvolve mekanizmu ba finansiamentu saúde sustentavel, fortalese jestaun forsa traballu saúde nian, promove hahalok saudavel, no hadi'ak engajamentu ho sociedade sivil. Atividade ne'e kolabora ho MS, Institutu Nasionál Saúde Públika no organizasaun sociedade sivil sira hodi harii sistema saúde ida-ne'ebé reziliente no auto-konfiansa ne'ebé di'ak, efisiente no responsavel ba nesesidade populasaun nian. Atividade ne'e hakbiit instituisaun no organizasaun iha Timor-Leste atu bele dezenvolve, finansia, implementa no jere sira-nia sistema saúde ho forma ida ne'ebé independente, hodi nune'e bele promove dezenvolvimentu sustentavel.

## REZULTADU XAVI SIRA

- Sistema governasaun saúde no finansiamentu ne'ebé mak avansadu liu husi apoiu ba MS hodi lansa Unidade Finansiamentu Saude (UFS) hodi supervizona ba Estratejia Finansiamentu Saúde Timor-Leste 2019-2023. Atividade no MS dezenvolve planu rekursu humanu, finaliza deskrisaun servisu, no hala'o sesaun formasaun atu hadi'ak abilidade atu hadi'a abilidade funsióriu sira husi UFS iha koleasaun no analiza dados funsióriu sira nian. Iha tempu hanesan mós, kria Grupu Tékniku Tráballu (TWG) ba Sistema Informasaun Jestaun Saúde (SIJS) garante kontinuasaun hadi'ak kualidade dados, no koletivamente hadi'a finansiamentu saúde iha Timor-Leste.
- Hadi'a foti desizaun sira ho baze dados liu husi hadi'a kapasidade MS atu prodús no uza dados ho kualidade hodi informa foti desizaun liu husi subsídiu/in-kind grant. Iha tinan ida nia laran, taxa ba pontualidade no dados kompletu husi relatóriu iha munisípiu 13 sa'e porsentu 48 no 21 respetivamente.
- Fortalese jestaun rekursu humanu liu husi kriasaun no institucionalizasaun ba deskrisaun servisu hamutuk 40 liu no manuál avaliasaun dezempeñu hodi instituisionaliza prosesu bazeia ba kompeténsia no meritu iha jestaun rekursu umanu no asegura katak kandidatu hotu-hotu iha asesu hanesan ba empregu, dezenvolvimentu profesionál no oportunidade promosaun.
- Halo espansaun ba monitorizasaun ho baze komunitaria ba saúde liu husi estabelesimentu asembleia saúde suku iha suku 19 liu husi kolaborasaun ho MS no organizaun lokál rua, Sharis Haburas Comunidade (SHC) no Hamutuk Ita Ajuda Malu (HIAM) Health. Assembleia ida-ne'e serve hanesan forum ba diálogu komunitáriu no ajuda comunidade sira dezenvolve planu asaun lokál ba iniciativa Mudansa Hahalok Sosial kona-ba prátika ne'ebé di'ak iha programa saúde no nutrisaun ba ema hotu, inklui saúde reprodutiva, maternál, neonatal, infantíl, no adolésente.
- Mobiliza partisipasaun síviku no advokasia liu husi apoiu ba kriasaun ba dahuluk iha nasaun, Rede Advokasia ida ho naran Rede Ba Saúde Timor-Leste (REBAS-TL). OSS lokál liu 43 ne'ebé servisu iha setór saúde hetan ona formasaun kona-ba jestaun organizaun, fortalesementu sistema saúde no siklu advokasia hodi sai hanesan parseiru prinsipál ida husi MS nian ba hametin sistema saúde iha Timor-Leste.
- Aselera asesu ba vasina COVID-19 ne'ebé ekuitativu ho distribuasaun vasina Covid-19 ne'ebé mak seguru no efetivu liuhusi parseria ho MS no organizaun lokál Hamutuk Nasaun Saudável (HAMNASA) hodi suporta sira-nia administrasaun vasina COVID-19 ho total doze hamutuk 80,302 ba labarik ho idade tinan 12-17 no adultu sira ho idade tinan 18 no liu iha munisípiu ne'en ne'ebe ho cobertura vasinasaun ne'ebé ki'ik liu tarjetu nasional.

## DETALLU HUSI ATIVIDADE

- **Naran:** USAID nia Atividade ba Sustentabilidade Sistema Saúde – Timor-Leste
- **Durasau:** Agostu 2020 – Agostu 2024
- **Kontaktu USAID nian:** Dr. Telma Joana Corte Real De Oliveira, Espesialista Jestaun Projetu, [tdeoliveira@usaid.gov](mailto:tdeoliveira@usaid.gov)
- **Diretór ba Implementasaun Atividade:** Bhavesh Jain, [bhavesh\\_jain@abtassoc.com](mailto:bhavesh_jain@abtassoc.com)

**Kona-ba USAID:** Embaixada Estados Unidos liu husi USAID servisu hamutuk ho governu Timor-Leste hodi apoia dezenvolvimentu ne'ebé efetivu no abranje. Hahú husi tinan 2001, USAID fó ona asisténsia dezenvolvimentu tokon \$323 ba Timor-Leste. USAID apoia Timor-Leste iha sira nia esforsu atu harii nasaun ne'ebé prosperu, saudavel, no demokrátiku liu husi programa sira ne'ebé promove kresimentu ekonómiku inkluzivu no sustentável liuliu iha setór agrikultura; hadi'a saúde povu Timor-Leste nian, liuliu feto no labarik sira; hametin fundasaun ba governasaun di'ak - área hotu-hotu ne'ebé destaka iha Planu Estratégiku Dezenvolvimentu Timor-Leste tinan 2011-2030.

The U.S. Agency for International Development  
Travessa Sérgio Vieira  
Município Dili, No. 04 Faról  
Dili, Timor-Leste  
Telephone: (670) 330-0500 • Website: [www.usaid.gov/timor-leste](http://www.usaid.gov/timor-leste)  
Facebook: [www.facebook.com/USAIDTimorLeste](https://www.facebook.com/USAIDTimorLeste)